

# Eboola

## What is Ebola disease?

Eboola waa cudur uu sababo fayraska Eboola waana mid ka mid ah xumadda cudurada lagu dhiig baxo. Cudurka Eboola waxaa uu sababaa xanuun aad u daran kaas oo 50-90 boqolkiiuba dadka uu ku dhaco ay dhintaan. Cudara Eboola markii ugu horaysay waxaa laga ogaaday 1976 wadanka hadda loo qayaan Jamhuuriyadda Dimuqraadiga Koongo meel u dhow Webiga Eboola.

## Waa maxay calaamadaha cudurka Eboola?

- Xumad
- Madax xanuun
- Xanuunada muruqa iyo kala goysyada
- Itaal daro
- Shuban
- Matag
- Calool xanuun
- Nafsat cunto la'aan ah
- Dhiig bax aan caadi ahayn

Bukaan jiifka qaar waxay leeyihii finan ka soo baxa, indho guduud, higgo, qufac, hunguri xanuun, xabad xanuun, neefsashada oo adkaata ama wax liqidda, ama dhiig bax gudaha ama dibadda jidhka.

Calaamaduhu guud ahaan waxay bilaabmaan 8-10 maalmood ka dib markay taabato fayraska Eboola laakiin waxay dhici kartaa goor hore sida 2 ilaa maalmood 21 maalmood ka dib markay qofka haleesho.

## Sidee Eboola ku faafaa?

Eboola wuxuu ku faafaa marka si toos ah loo taabto:

- Dhiiga ama dheecaanka jidhka (sida;mataga, shubanka, kaadidda, caanaha naaska, dhididka, mannida) qofka cudurka qaba kaas oo leh calaamadaha Eboola ama dhawaan u dhintay cudurka Eboola.
- Waxyaabaha ama oogooyinka uu wisikheeyay dheecaanka jidhka ee qofka sita fayraska Eboola, tusaale ahaan dharka ama gogosha sariirta qofka buka.

Qofka sidda fayraska Eboola uma gudbin karo kuwa kale ka hor intaanay calaamaduhu ka muuqan.

Fayraska Eboolaha waxaa loo malaynayaa in uu dadka uga soo gudbay xawayaanka dibad galeenka ah oo uu markaa ku faafay aadamiga laga bilaabo hal qof ilaa ka kale. Isha dhabta ah ee ay fayrasku xawayaanka uga yimid lama oga, laakiin Eboola waxaa laga helay fiidmeeraha iyo daanyeerka, fayraska waxaa loo malaynayaa in uu dadka uga soo gudbo dheecaanka jidhka xawayaanka qaba, sida cunnida xawayaan cudurka qaba.

## Yaa Khatar ugu jira Cudurka Eboola?

Khatarta qaadista Eboola ee dad waynaha guud si aada ayuu u hooseeyaa.

Bixiyayaasha daryeelka caafimaad ama xubin qoyska ah daryeelaysa bukaan jiifka Eboola ayaa halista ugu saraysa ugu jira maxaa yeelay waxa dhici karta in ay taabtaan dhiiga ama dheecaanka jidhka.

## Sideed u dawaynaysaa cudurka Eboola?

- Ma jiro dawo lagu daaweyyo Eboola oo ma jiro tallaal laga hortago cudurka.
- Daawaynta cudurka Eboola waa taageerid, macnaheedu yahay siinta dareere, ilaalinta cadaadiska dhiiga, soo celinta dhiigii baxay.

- Raadinta daryeel caafimaad si degdega isla marka calaamaduhu muuqdaan waxay kordhisaa fursadaha ka samato baxa. Sidoo kale waxa ay ka hortagtaa dadka kale in ay u soo dhawaadaan qofka cudurku ku dhacay maxaa yeelay ma taaban doonaan dhiiga iyo dheecaanka qofka cudurka qaba.

## **Sideed uga hortagaysaa cudurka Eboola?**

- Iska ilaali taabashada dhiiga iyo dheecaanka kuwa buka.
- Inta badan maydh gacmahaaga.
- Ha qabsan walxaha uu taabtay dhiiga ama dheecaanka qofka cudurka qabaa
- Dharka ka hortaga isticmaal sida gallofyada, marada wejiga lagu qariyo, marada shuluga ah marka aad daryeelayso dadka buka.
- Iska ilaali taabashada qofka buka ama xawaanyaaka dhinta.
- Ha cunnin xawayaanka dibad galeenka ah ama hilibka duur joogta.
- Iska ilaali goobaha cudurku ka dilaacay.

## **Ka waran safarka?**

### **Ka hor intaanad safar u bixin**

- La hadal dhakhtarkaaga ama xarunta caafimaadka ee safarka haddii aad qorshaynayso safarka goobaha cudurku ka dilaacay.
- Hubi bogga internatka ee Caafimaadka Safrayaasha CDC ogaysiiska safarka cudurada gaarka iyo wadamada ([wwwnc.cdc.gov/travel/notices](http://wwwnc.cdc.gov/travel/notices)).

### **Ka dib markaad safarto**

Haddii uu qof leeyahay xumad, madax xanuun, xanuuno kala goysyada iyo muruqa sadex

maalmood gudahood ka dib markaad ka soo noqoto safarkaaaga.

- Wac dhakhtarkaaga ama goobtaada caafimaad. Waxay ku ogaysiin doonaan haddii aad u baahan tahay in aad u timaado booqasho.
- U sheeg dhakhtarkaaga halkaad u safartay, hawlahaa aad ka qayb qaadatay, iyo haddii aad taabatay qof qaba cudurka Eboola.

## **Ilaha**

### **Xarumaha Cudurka Xakamaynta iyo ka Hortaga**

- Eboola ([www.cdc.gov/vhf/ebola/](http://www.cdc.gov/vhf/ebola/))
- Caafimaadka Qofka safarka ah ([wwwnc.cdc.gov/travel/](http://wwwnc.cdc.gov/travel/))
- Telefoonka: 800-CDC-INFO (800-232-4636)

### **World Health Organization**

- Eboola ([www.who.int/health-topics/ebola](http://www.who.int/health-topics/ebola))

Minnesota Department of Health  
Infectious Disease Epidemiology, Prevention and Control  
PO Box 64975  
St. Paul, MN 55164-0975  
651-201-5414 or 1-877-676-5414  
[www.health.state.mn.us](http://www.health.state.mn.us)

10/2022 (Somali)

*Si aad xogtan ugu hesho qaab kale, wac: 651-201-4989.*